

程

息授翰林院五經博士

聞翰字知

魯府儀賓

聞聘字知用

魯府儀賓

聞儒字知

魯府儀賓

聞憲字知

魯府儀賓

六十三代孫貞元字用九

魯府儀賓

○聞達子孫

九代樹字子文鮒幼弟兄弟自為師友

十代隨字元路鮒子承毅後為宋公

一名育字元路

聚一名字子產樹子為漢王將軍功狀云以執盾

前元年從起碭以左司馬入漢以都尉屬韓侯破  
項羽垓下漢王即帝位以功封彭越侯史所謂孔將  
軍居左者也年五十三謚曰夷信謚

十一代臧聚子嗣恭侯生仕九卿武帝時遷御史大夫  
辭曰臣世以經學為家相承作訓法今俗儒繁  
說遠本雜以妖妄難可以訓侍中安國受詔綴集  
古義臣乞為太常典臣家業與安國紀綱古訓使  
永垂來嗣帝重違其意拜太常典禮賜如三公在  
官數年卒著書十篇賦二十篇又嘗作書與從弟  
安國及戒子皆有義焉

安國字子國忠子治尚書嘗為武帝博士魯共王  
欲壞孔子舊宅於壁中得古文虞夏商周之書及  
傳論語孝經乃不壞宅悉以書還孔氏安國承詔  
作書傳又作古文孝經傳論語訓解仕至臨淮守  
丁二代邛字子邛安國子傳家學尤善詩禮  
琳臧子嗣恭侯亦傳家學位至諸吏

十三代驢邛子善春秋三傳為博士弘農守

黃琳子嗣恭侯後坐事失侯

茂黃弟大司徒光以其祖有功德而邑土廢絕乃  
分食邑三百戶封為關內侯

十四代立驩子善詩書與劉歆友善教授數百人  
宣聚之玄孫為長安公士宣帝元康四年詔復家  
捷霸次子與弟喜並列校諸曹

光字子夏霸少子尤明經學年未二十舉議郎歷  
仕成哀平三朝凡為御史大夫丞相各再又為大  
司徒太傅太師居公輔位前後一十七年凡食邑  
萬一千戶封博山侯王莽權盛公憂懼稱疾辭位  
年七十薨謚曰簡烈

吉鮒五世孫成帝綏和元年詔求殷後分散為十  
餘氏推求其適不能得匡衡梅福皆以為宜封孔

氏為湯後從之封吉為殷紹嘉侯後進爵為公地  
方百里

十五代元立子為校書郎與揚雄友善

永捷之子為大司馬封寧鄉侯邑千戶光昆弟  
子至卿大夫者四五人

壽封合意侯

放光子歷侍郎嗣博山侯

何齊吉子嗣家公食邑一千六百七十戶哀帝建

平二年益戶九百三十二

十六代子建元子少遊長安與崔篆友善及篆仕王

莽為建新大天嘗勸子建仕對曰吾有布衣之心  
子有袞冕之志各從所好請以此辭歸終於家  
奮字君魚提孫有學術通左氏春秋後漢初守姑  
臧長賜壽關內侯有功世祖下詔褒美拜武都太  
守

奇字子異博通經典著左氏刪故與兄奮家於茂  
陵

尚霸曾孫鉅鹿太守

安何齊子光武建武五年封殷紹嘉公十三年改  
為宋公位在三公右

十七代仁子建子以文學為議郎遷博士南海太守  
嘉奮子有才學作左氏說終城門校尉

方字廣平黃曾孫豫州從事

疇字元矩陳國相

十八代豐仁子善於經學不好諸家書以學行聞三  
府委質司空拜高第御史章帝建初元年拜黃門  
侍郎典東觀事

澍字君德魯從事

十九代僖字仲和子建曾孫章帝初拜蘭臺令史二  
年三月帝東巡幸闕里祀孔子僖因自陳謝遂拜

郎中詔從還京師令校書東觀出爲臨晉令三年卒

旭字延壽魯相史

訢字定伯魯戶曹

震字元上林中有碑其名漫滅舉孝廉除郎中拜尚書侍郎

治書侍御史博陵太守遷下邳相終河東太守

誦字仲助魯相史

扶字仲淵徵拜博士陽嘉二年由太守爲司空林

碑有

切舉孝廉拜御史遷中牟樂陽令林中有碑

術字子佑魯相史

宙字季將尚曾孫舉孝廉遷郎中令太山都尉林

有碑世傳稱為蔡邕書今移於廟中

二十代季彥僖子與兄長彥守其家學徒數百時人爲之語曰魯孔子好讀經兄弟絃誦略不停學士必欲就聲名不師孔氏焉能成延光二年河西大雨雹大者如斗召見於德陽殿問其故對曰此陰乘陽之徵也今貴臣擅權母后黨熾陛下宜脩聖德慮此二者帝嘿然左右皆惡之公曰吾豈容媚勢臣而欺人君乎歸終於家

謙字德讓宙子弱冠講誦深究前聖之旨爲郡諸  
曹吏

村中有碑

融字文舉宙子七人融居第六河南中賀進辟舉  
高第爲侍御史嘗爲北海相立學校表顯儒術薦  
舉賢良獻帝時論者多欲復肉刑公乃建議朝廷  
善之卒不改復拜太中大夫曹操欲移漢鼎憚公  
不敢終爲所害卒年五十六魏文帝深好公文每  
歎白楊班之儔也募天下有上公之文者輒賞以  
金帛所著詩頌碑議論六言策文表檄教令書記  
二十五篇

又字元儁魏諫議大夫

文魏大鴻臚

昱字元世霸王世孫少習家學大將軍梁冀辟不  
應太尉舉方正對策不合辭去後遭黨禁錮靈帝  
即位徵拜議郎補洛陽令以師喪棄官卒於家自  
霸至昱爵位至卿相牧守者五十三人列侯七人  
唯爲功曹吏

伯序魯都督

綱建寧中爲魯掾

二十一代暢建寧中爲魯掾

無文子漢征南軍司馬

郁福七世孫漢冀州刺史

恂字士信晉東平將軍衛尉

二十二代衍字舒元毓子少好學年十二通詩書弱

冠公府辟本州舉異行直言皆不就避地江東晉

元帝引為安東叅軍專掌記室書積殷積而公以

稱職見知中興初與庾亮俱補中書郎領太子中

庶子於時庶事草創公經學深博又練職舊典朝

儀軌制多取定焉帝與太子並親愛之以元帝太

興三年卒于官年五十三凡所撰述百餘萬言

潛字景微世說譜云魏相斌十四世孫子卿先居

梁國潛為後漢太子少傅避地會稽遂為山陰人

按後漢獻帝末年歷魏晉至東晉元帝初平首尾

也故

猛從王肅學

揚郁子下博亭侯因家焉

二十三代恪行子晉廬陵太守

竺字元慎潛子吳豫章太守

二十四代恬竺長子字公默吳侍中選曹尚書晉

東太守



冲竺次子吳尚書

奕竺少子全椒令有惠化

惔宋祠部郎中

二十五代愉字敬康恬長子晉左僕射餘不亭侯年七十五咸康八年卒贈車騎將軍開府儀同三司謚曰貞世說所謂孔車

侃冲子太司農自竺以來有名江左

倫奕長子晉黃門侍郎註儀禮

群字敬林奕少子有智局志尚不羈晉御史中丞梁惔子以秘書監徵不就

二十六代閻字須言愉子襲爵建安太守散騎常侍汪字德澤愉子好學有志行晉侍中以直亮稱出爲假節都督交廣二州諸軍事征虜將軍廣州刺史有政績

祗字承祖尚節義爲郡功曹吏

國字安國愉第六子以儒學顯歷侍中太常尚書遷左僕射

坦字君平侃子少方直有雅望善左氏春秋晉侍中封晉安男加散騎常侍遷尚書贈光祿勳謚曰簡有集五卷臨終致書庾亮以中原未復爲恨云

嚴字彭祖倫子累遷尚書左丞又以侯領尚書有  
集五卷

沈字德度群子有美名辟丞相司徒掾琅琊王文  
學並不就

淳之字彥深粲子少志尚愛墳籍居會稽剡縣除  
著作佐郎太尉叅軍並不就居喪至孝廬於墓側  
元嘉初復徵爲散騎侍郎乃逃于上虞界中元嘉  
十七年卒

默之淳之弟注穀梁春秋任廣州刺史  
二十七代晉閭長子晉尚書令

靖字季恭閭次子晉察孝廉累遷尚書左僕射加  
後將軍宋臺初建拜侍中特進辭事東歸宋武帝  
受命加開封儀同三司讓累年不受薨以爲贈  
侯汪子江夏太守

混坦子嗣爵

道民嚴子宣城內史

福民嚴子太子洗馬

靜民嚴子散騎侍郎

道隆位侍中

廡沈子吳興太守廷尉光祿大夫

二十八代祐晉子有至行通神隱於四山太守僧王  
虔引為主簿不就

靈符靖子丹陽尹會稽太守公慈實才幹所蒞有

續晉陽秋云靖生山士山民山  
士會稽太守山民新興太守

靈運靖子著作郎

靈產道隆子解天文有高志累遷光祿大夫齊高  
帝嘗稱有古人之風

景偉國之孫齊散騎常侍

景進魏功曹掾

琳之字季琳歆子強正有志力少好文義解音律

妙草隸桓玄輔政以為西閣公不能順玄旨意固  
不見知累遷尚書左丞宋臺初建除宋國侍中永  
初二年為御史中丞直法無所撓武帝行經蘭臺  
親加臨幸卒贈太常公不事產業家尤貧素有文  
集十卷

璩之琳之弟為揚州中從事

二十九代道徽祐子少厲高行隱居南山終身不窺  
都邑豫章王辟之不至

珪字德璋靈產子風韻清遠好文詠齊高帝為驃  
騎舉為記室與江淹對掌詞筆歷尚書左丞御史



原件短缺

中丞都官尚書終散騎常侍嘗上律文二十卷  
深之靈符子宋大明中比部郎

琇之靈運子宋江夏內史有吏能

白烏魏興和三年爲鄒縣丞

靈龜揚七世孫後魏國子博士

士邈琳之子有父風揚州中從事

滔景偉子梁海鹽令子岱六歷清要

遙之冲五世孫宋水部郎尚書左丞

三十代臻琇之子太子舍人尚書三公郎

珮遙之子齊通直郎

之字敬伯宋時與齊高帝俱爲中書舍人並非所

好自廬江郡守去官隱於鍾山朝廷以爲中奉大

夫卒又有孔僉通五經尤明三禮孝經論語生徒

數百人爲五經博士歷海鹽山陰令太清間卒子

淑玄涉文學官至太學博士僉兄子元素亦善三

禮有盛名又有孔子祛少好學挾書耕樵勤苦自

勵遂通經術累遷中書通事舍人加通直正員郎

卒于官凡著尚書義二十卷集註三十卷續朱异

集注易一百卷續何承天集禮論一百五十卷又

有孔子雲仕梁官至五經博士尚書祠部郎又有

孔廣字淹源美容止善談論仕至揚州中從事又有孔道抗直有才藻制東都賦才華稱之又著三吳決錄在衛軍武陵王東曹掾此皆聞達表表者史失其世次疑與子此  
三十二代雲童休源長子有父風東揚州別駕宗範休源少子聰敏有識度陳中書黃門侍郎與字休文幼孫子少孤為叔父虔孫所養好學善屬文博物強識仕梁為儀曹郎侯景陷建業公遭母憂在寇亂中持三年喪以孝聞陳武受禪遷太子中庶子除晉陵太守公清白自持郡號神君文

帝徵為御史中丞公性剛直朝廷故憚累遷中書舍人復為中丞尋為五部尚書累加侍中金紫光祿大夫卒年七十餘有文集十五卷彈文四卷

穎達字冲遠

唐書本傳作仲達于志寧撰碑作冲遠于與公同時今以為正安子

八歲日誦千餘言及長尤明左氏春秋王氏易鄭氏書詩三禮兼善筭曆屬文居家以教授為務隋大業初明經高第授河南內郡博士徵赴東都令與國子秘書學士論難莫能屈補太學助教屬亂避地武牢唐太宗平王世充引為秦府文學館學士武德中授國子博士貞觀初封曲阜縣男轉給

事中數進忠言益見親侍六年累除國子司業遷太子右庶子無司業與諸儒議曆及明堂皆從公之說又與魏徵撰成隋史加散騎常侍又脩定五禮衆有疑滯咸諮決於公書成進爵爲子賜物三百段以在東宮數有諫正又賜黃金一斤絹百疋拜國子祭酒仍侍講東宮太宗幸國學觀釋奠命公講孝經公因上釋奠頌手詔褒美又受詔撰定五經正義凡一百八十卷賜物三百段貞觀十七年以年致仕明年圖形靈煙閣讚曰道光烈第風傳闕里精義霞開挾辭颺起卒贈太常卿謚曰憲

陪葬昭陵

三十三代伯魚宗範子陳徽騎常侍

紹安與子少與兄紹新俱以文辭知名陳亡入隋徙居京兆鄠縣閉門讀書外兄虞世南嘗嘆異之大業未爲監察御史唐高祖拜內史舍人賜宅一區詔撰梁史未成而卒有集五十卷

紹忠字孝揚與少子有才學位太子洗馬鄱陽王

東曹掾

志玄頴達子唐國子司業

志約頴達子禮部郎中

志亮穎達子中書舍人  
思政德仁孫端州刺史

三十四代德紹伯魯子隋秘書省正字景城縣丞  
穎紹安次子第進士高祖時為蘇州長史累遷絳  
州刺史封武昌縣子卒謚曰溫

構紹安少子贈蒲州刺史

惠元志玄子為國子司業三世司業時人榮之

琮志約子洪州都督

三十五代昌寓字廣成德紹子貞觀中對策高第為

膳部郎中

季詡字季和穎子早知名登制科陳子昂嘗稱公

神清韻遠終在補闕

若思紹安孫早孤母褚氏躬教訓遂以學行知名

累遷給事初中宗朝再轉禮部侍郎出為衛州刺

史以清白稱加銀青光祿大夫賜綸百疋歷汝州

刺史太子右諭德

神思若思弟給事中

立言惠元子祠部郎中

存言惠元子黃州刺史

務本穎達族孫滄州東光令



三十六代舜字奉先昌寓子監察御史

至字惟微若思子著作郎明氏族學撰百家類例  
如珪務本子海州司戶贈工部郎中

三十七代齊參舜子為實鼎令

岑父如珪子著作郎贈尚書左僕射墓在河南陰  
五子載殘戡戢戰

巢父字弱翁岑父弟早勤文史博辨多智少時與  
韓準李白等隱徂徠山時號竹谿六逸代宗廣德  
中為左衛兵曹參軍授監察御史刺歸汾二州入  
為諫議大夫出為潭州刺史湖南觀察使未行會

晉王為荆西副元帥署行軍司馬俄而德宗幸奉  
天遣給事中河中陝華等州招討使累上破賊方  
畧上嘉納之尋無御文大夫充魏博宣慰使興元  
元年復宣慰河中為亂軍所害上聞震悼贈尚書  
左僕射謚曰忠詔收河中日備禮葬祭賜其家粟  
帛甚厚仍授一子正員官

三十八代文遠齊卿子兗州都督府功曹

克符齊參長子與兄克讓等事親至孝俱隱嵩山  
述睿齊參少子劉晏薦於代宗稱其穎異之行德  
宗召拜諫議大夫卒年七十一

載岑父子貞元二十七年及第

戡字君嚴登進士第鄭滑節度使盧群辟為從事  
群卒推掌留務入為侍御史憲宗元和初累遷諫  
議大夫儼然忠讜有諫臣體以方嚴見憚於朝俄  
兼太子侍讀改給事中權尚書右丞明年拜左丞  
改華州刺史潼關防禦使入為大理卿改國子祭  
酒十二年授廣州刺史嶺南節度使公剛直清儉  
交廣大治十五年遷吏部侍郎穆宗初改右散騎  
常侍二年後為尚書左丞數上疏請老詔以禮部  
尚書致仕祿之終身年七十四卒贈兵部尚書謚

曰貞壘先墓左四子溫質遵孺遵憲溫孺

戡字君勝方嚴有家法重然諾尚忠義登進士第  
自金吾衛錄事為大理評事佐昭義軍軍帥盧從  
史驕恃公極諫之不合歲餘謝病歸東都會宰相  
李吉甫鎮揚州奏起公為實佐從史聞之怒請行  
貶逐憲宗不得已授衛尉丞分司東都詔下給事  
中呂元膺執不可帝遣使諭呂曰朕非不知戡行  
用之矣未幾卒卒後三月從史敗詔追贈司勳員  
外郎子溫資

戡字方舉擢明經書判高等為校書郎累拜監察

御史遷京兆尹出刺汝州又刺潭州湖南觀察使  
時兄戡爲嶺南皆居節鎮朝野榮之入爲右散騎  
常侍復尹京兆歲旱文宗憂甚戡自禱曲池一夕  
大雨帝悅詔兼御史大夫卒贈工部尚書子溫業  
溫諒

三十九代敏行字至之述睿子少而脩潔元和五年  
及第歷拾遺補闕起居郎諫議大夫集賢學士

溫質戡子四門博士

遵孺舉進士終華陰縣丞

溫裕舉進士位左丞天平軍節度使

溫資戡子舉進士保太子少保

溫業字遜志戡子長慶元年第二人及第宣宗大  
中時爲吏部侍郎永外遷宰相白敏中顧同列曰  
吾等可少警孔吏部不樂居朝矣後爲太子賓客  
弟溫諒溫諒子績

四十代拯字弘濟龍封振之弟中和二年狀元及第  
歷侍郎拯弟郁郁子述字彰聖述子檜同光元年  
避地吳越回家于溫州之平陽吳越王累聘不就  
絢字延休溫質子咸通二年及第乾符三年調丹  
陽令因家焉

綸字昌言咸通二年第九人及第歷殿中侍御史  
戶部郎中

縉字徵夫咸通十四年狀元及第

緯字化文遵孺子大中十二年狀元及第累遷集  
賢直學士初林學士中書舍人御史中丞歷戶兵  
吏三侍郎從僖宗幸蜀改刑部尚書判戶部事還  
京授御史大夫又從幸梁拜中書門下平章事駕  
還進位左<sub>中</sub>射賜號持危啓運保義功臣食邑四  
千戶賜鐵券恕十死賜天興縣莊善和里宅各一  
區昭宗進加司空開府儀同三司位司徒封魯國

公進兼太保又拜司空兼門下侍郎同平章事以  
疾乞歸田里帝動容詔使者送至中書視事會駕  
出幸石門公從至莎城疾篤先還京師家人召醫  
公曰天下方亂何久求生不肯服藥卒於光德里  
第贈太尉公尚節義秉禮不回孔氏子自元和後  
兄弟貴盛至正卿方鎮者幾千人至公始登台輔  
云弟絳字受文明經及第少弟緘

晦字文為<sub>總名</sub>溫業子咸通十二年明經及第歷  
吏部侍郎

昺字濟美溫業子<sub>後人</sub>咸通十七年第十

人及第終萊州刺史

績温諒子志次德元正調官以推官

四十一代昌以字高平子光緒三十五年及第

昌庶字幾聖子乾寧元年及第終散騎常侍

昌弼諱字佐化緯子進士及第終散騎常侍

昌序字昭舉晦子進士及第終散騎常侍

邈字隼之温管孫織子乾寧五年第五人及第終

諫議大夫

邁温裕孫緒子滄州乾符令贈兵部員外郎

仲良唐蒲田令卒于官因家焉今尚有世譜及唐

誥刻石于縣齋朱文公熹嘗為訂其譜宋淳祐中

官初涵光書院建先聖殿又為立聖冑莊以教養

孔氏子孫五十代孫元龍嘗跋其譜云

四十二代莊字文愿昌庶子後晉太常少卿

四十三代承恭莊子宋太宗廟將作監致仕

四十四代憲仁玉次子宋建隆初進士及第任尚書

工部員外郎河東轉運使

勗字自牧仁玉少子登雍熙二年進士第歷官五

十年以秘書監上章請退分司南京主管祖廟賜

酒餼以寵之告老授工部侍郎致仕公少孤自立

博學能文尤工於詩性淳厚號稱長者任曲阜八年以禮義化鄉黨忠孝訓子孫民到于今服其教其得謝事也宴集親舊長子道輔時以龍圖閣直學士給事知鄉郡鄉黨榮之卒年八十九贈吏部尚書詳見授官息澤

世基太平興國二年以鄉貢進士賜同本科出身晃大中祥符元年以兗州叅軍爲安州應城主簿渭大中祥符元年以進士賜同三傳出身

#### 四十五代

延渥宜少子宋真宗東封駕幸儒廟賜同學究出

身終隰州清化令

延祐延魯延齡並以大中祥符元年賜同學究出身

延之憲子擢進士第贈殿中丞

道輔字原魯

舊名魯舉進士爲寧州推官以手板擊

殺天慶觀妖蛇一郡驚異歎服徂徠石介爲作銘

說碑知曲阜縣天聖九年爲右正言上書請章獻

明肅皇太后歸政天子又廷奏樞密使曹利用御藥羅崇勳罪狀內外揮之使契丹虜主酌以大卮曰天寒飲此可致和氣公曰不和因無害還除龍

圖閣待制出知鄆州徙知青州入荆流內銓出知許州徙應天府除右諫議大夫御史中丞皇后郭氏廢公率諫官御史范仲淹宋郊等十人伏閣力爭坐出知泰州徙徐州兗州進給事中在兗州時有近臣進詩百篇執政有請除龍圖閣直學士者上曰是詩雖多不如孔道輔一言乃以爲龍圖閣直學士復召爲御史中丞寶元二年出知鄆州道病卒年五十四上思其忠特贈尚書工部侍郎累贈司空太尉開府儀同三司塋祖墓西南百步公性鯁直剛毅名聞天下所至官治數以爭職不阿

或紬或遷持一節以終身未嘗自屈士大夫以其不終大位爲天下惜之

良輔字師魏勛次子性慷慨有吏才智策過人官至大理寺丞上章求退制曰齒未老而頽謝政歸事墳廟知止之樂朕用嘉之授太子中舍年六十四塋祖墓東北

孝輔字德甫勛少子幼聰悟落筆成章衆所推服年十八任仙源縣主簿以郊祀恩授將作監主簿父疾懇求侍養在膝下十五年衣不解帶藥必先嘗親終服除然後從官鄉黨稱孝至國子博士年

六十五子漢英宗毅漢英幼聰慧博覽經史早卒  
四十六代舜亮字君亮道輔長子位至左中散大夫  
致仕累特進少師著粹籍

宗翰字周翰道輔次子氣貌渾厚奉親至孝始以  
父任爲將作簿復與兄皆鑠廩進士及第累遷知  
蘄密陝揚洪兗六州終刑部侍郎年六十卒

宗壽良輔長子承議郎致仕

宗括以白身最長補迪功郎堂差興仁府乘氏縣  
主簿終兗州仙源縣丞

宗簡太子中舍

宗旦皇祐中爲扈州司戶叅軍儼智高破城公被  
執慢罵之不已遂見害贈太子中允

叟宋仁宗慶曆七年八月丁未賜汝州龍興縣處  
士粟帛公隱居縣之龍山強陽城性孤潔喜讀書  
田數百畝遇歲飢分所餘周不足者未嘗計有無  
聞人之善若出於己動止必依禮法人皆慕之見  
公於路輒斂衽以避父喪廬墓三年卧破棺中日  
食米一溢壁間生紫芝數十本州以行義聞故有  
是賜又給復其家嘗有盜發其廩粟公避之縱其  
所取嘗逢羸弱者爲盜掠奪賞貨公追盜與語責



之以義解金界之復歸所掠居山未嘗逢蛇虺虎  
豹或謂曰子毋夜行此亦可畏公曰無心則無所  
畏

會述五世孫左從事郎處州麗水縣丞

師旦宋熙寧三年登科迪功郎泗州司戶參軍終

宣教郎

延之績五世孫慶曆二年登進士第司對郎中與

瀛溪先生周惇頤友善卒塋廬山南豐曾鞏誌其

墓贈殿中丞金紫光祿大夫

此家五代清江故適與

也人

四十七代若升字公漸舜亮長子沂州新泰令嘗脩

廟贈朝奉大夫

若谷字公應舜亮次子右朝散郎致仕

傳字世文

舊名若

舜亮少子精於易學博極群書操

行介潔元祐政和間累任鄉官建炎初與四十八

代嚴封公端友南渡寓居衢州率族拜疏闕下叙

家門故事後有因任而家於徽湖撫鄂四州者皆

自衢而分公嘗知邠州鋤豪挾貪吏民畏服知陝

州平鼎澧寇以功進職知撫州建昌卒閔公單車

撫諭之至則帖然自號杉谿進續白氏六帖文樞

要記詔送秘書省又著東家雜記杉谿集官至中散大夫贈中奉大夫年七十五

若拙字公智宗愿少子進士出身金州司理叅軍若采以白身最長補迪功郎興仁府濟陰主簿

恢字宏之宗翰子終奉直大夫

惇字厚之宗翰子終朝散大夫

忱字誠之宗翰子文林郎

恂字信之宗翰子奉議郎

若初字公慎宗毅子進士及第

四十八代

端節字子奇若升子朝散大夫

贈中奉大夫

端木字子工端木朝名若升子為若谷後宣和四年駕

幸太學詔大臣先聖後有在學者特賜進士第當

自今始召見賜上舍出身建炎三年十月南渡明

年八月特差徽州黟縣令紹興二年召試館職歷

秘書郎著作佐郎司對員外郎終朝散郎知臨江

軍

端問字子誠傳子篤學工詩終從政郎洪州奉新

縣丞著州集

端已字子正傳子侍父渡江習見祖庭舊事常舉以訓族子弟歷官五十年介潔不污終奉議郎年八十一贈少保

端位字子著傳子儒林郎常德府錄事參軍

端植字子固傳子居官以介濬稱常宰鄂之通妙

民至今思之終承直郎湖州武康縣丞

端隱字子宣傳子文林郎江陵府觀察推官

端肅字肅之篤志好學不樂仕進金翰林侍講

懷英舉公閒居鄉里年德俱高雖不習科舉其讀

書養道該通古今堪任國子小學教授明昌四年

三月十二日召赴闕賜進士及第補將仕郎以年

老乞歸

松恢子宣義郎

淵悖子將仕郎

樵愧子承議郎

四十九代瓚字純老端節子以白身最長補官終朝

請郎知和州

璵字伯秩端木子從政郎蔡州蘭谿縣主簿

璵字仲石初名璵端木子承直郎監左藏西上庫終

通直郎

璿字伯堅端問子篤學能文終從政郎漳州錄事  
參軍著吏事總龜

璿字德純學博才優尤工翰墨嘗為廟學正金貞  
祐二年賜同進士第萊州招遠縣主簿

琰字粹老中順大夫忻州同知金初從事太師梁  
王麾下以功補官王以聖裔授文資

瓌承事郎開封府祥符縣王簿

瑀字湯光承直郎

卓會之曾孫從政郎福州閩清縣令

璿字仲玉建炎二年侍父端植渡江居鎮江乾道

五年錄孔氏後賜官迪功郎

五十代

持字季貞

舊名損

嚴封公玠之子受兄嚴封遺

澤終迪功郎監温州天富鹽場

擬字成之瓚子登仕郎

揆字相之瓚子將仕郎

攄字季蘊璿子以子應選應發請鄉舉談遇壽恩

授迪功郎

擢字用之性資純古通經術金大定二十二年進  
士及第待闕萊州掖縣令章宗以聖入後特授大

學助教為都省掾三部司正終刑部都事

撫字伯順廟學正

摯字莘夫廟學正

元龍字季凱舊名行可子尚志篤學從西山先生

真文忠公德秀游擬進洙泗言學晦忠策晚年以

白身最長特授迪功郎制曰爾著書立言諸老所

推許以其賢亦可官矣况世次之所當歟初任饒

州餘干縣主簿沿檄還衢部使者延請為柯山精

舍山長以宣教郎致仕年至九十手不釋卷有柯

山講義論語集說魯樵斐藁奏議叢壁卒之日門

弟子三百哭之私謚曰文介後贈太子少師

拱字執謙瑒子少孤好學篤意義方鄉黨賢之年

五十三卒有習經讀史各三卷錫山草堂集五卷

村居雜興三卷

習周紹興十七年勅授洪州文學

履常紹興十二年以五十四代孫上書言事賜官終

宣教郎知建州蒲城縣事四十八代孫端問跋東

言祖壁之遺言闕里之陳蹟尚可得而尋於傳聞之

近獨族黨離散者其蹤跡不可得而尋余每憶此

語紹興癸亥族姪履常調尉常山余因訪之出譜

祖自唐季避地東嘉今八世矣永冠未隆詩禮未

長講并于庭曰追惟先世以骨肉散正為恨余今幸一見豈不快哉

師古迪功郎處州司戶參軍

履矩脩職郎福州羅源縣尉

五十一代應遜字舜舉舊名虎攄子與弟應發自為師

友刻意問學嘉定十二年同請鄉舉淳祐七年用

四十四代世基舊例賜同本科出身授迪功郎臨

安府餘杭主簿

應發字機仲舊名豹初任迪功郎處州遂昌縣尉終

隆興府武寧縣令以迪直郎致仕

應得字德夫舊名在元龍子嘉熙二年混補入太學

淳祐元年理宗車駕幸太學賜同進士出身初任

吉州太和縣主簿終端殿學士僉書樞密院事福

建江浙宣諭大使年六十一自號退學

文樸字伯厚拱子繼授寶祐元年及弟以先聖後

特旨轉脩職郎復州玉沙縣簿尉終奉議郎知潭

州湘潭尉

煥宋從事郎饒州餘干縣丞

煒宋慶元二年第五人及弟終朝奉郎太常丞兵

部郎中知端州

應祥字吉甫宋從政郎刑工部架閣

應禮一名大中元授登仕郎授忠翊郎翊衛忠義部統制

元順字存之廬學錄

元裕字益卿見恩州路學教授濟陽主簿

元敬字忠卿見從事郎武路經歷

元伸字信卿萊州學教授見德州學教授將仕郎須城縣主簿

五十二代萬齡字松年宋時受父襲封公遺澤終將仕郎袁州路分宜縣尹

元善字德新宋寶慶二年進士及第終儒林郎奉

州學教授

元孚字信甫宋開禧元年武舉及第終武節大夫貴慶字幼勉承議郎知福州福清縣事

元圭字君錫宋淳祐元年武舉第二人及第歷閣門舍人出知高州肇慶府又知瓊州兼瓊筦安撫使終武翼大夫年七十九號東巖貴脩迪功郎吉州永豐縣丞

夢斗字元極

舊名

宋嘉熙四年浙漕附試發解寶

祐元年以兄閣舍牒試國子補入太學陞前廊宰執列薦經明行脩特旨免省赴殿景定三年進士

及第歷臨安府學教授召試館職除秘書省正字  
史館校勘終承議郎通判慶元府年七十七號愚  
齋有尚書解愚齋文集

定國嘉定十七年授迪功郎權和州含山縣主簿  
貴明字幼聞承信郎臨安府於潛縣稅官

廉見任信州學教授歷官枝江縣尹

五十三代道生字宗一承節郎監廣東鹽倉宋淳祐  
十二年請江西漕舉

鉉字君鼎宋文林郎常州錄事叅軍

霆發字君選宋淳祐十二年以叔閣舍牒試國子

補入太學公試第一人咸淳四年廷對第八人及

第文林郎處州軍事判官

景行字宗成宋寶祐四年宣聖國子補入大學陞  
內舍咸淳二年春度宗臨幸太學召五十一代應  
得例賜進上出身授備職郎慶元府學教授循從  
政郎禮兵部架閣

淑字世儀見行御史臺掾授將仕郎漳泉路監事  
判官

楷字魯林言子見常州路學教授

五十四代



思友字益道新城平陰兩縣主簿沐陽固城兩縣  
尹改承事郎汝寧府推官

思古字忘道葛城新泰膠水三縣學教諭

思本字正道磐陽路學教授

思恭字信道須城安德兩縣主簿南樂天長兩縣  
尹濟寧路同知致仕

思履字義道兗州學正益都路學教授將仕郎東

阿縣主簿其邑為郡王分地號稱難治公趙奸列  
惡民甚快之調穰縣主簿階登仕郎

思賢字希道子思書院山長

思善字性道磐陽路學教授改濟寧路學教授太  
常寺太祝

思德字守道汴梁路學教授將仕郎文登縣主簿

思睿字達道前衛學教授泗水縣主簿

思構字基道任陸安府教授除福建道帥府照磨

思適字弘道恩州路學教授北海滕縣鄆城三縣

主簿臨穎縣尹陝西儒學提舉河中府判

思遠字進道曹州路學教授左三部照磨承事郎

曲阜縣尹歷大樂署承轉署令陞太常禮儀院判  
著樂書若干卷

思迪字凝道膠西縣主簿改安慶錄事光山縣尹  
除西臺監察御史復拜內御史錫金織紋綺轉湖  
廣都事辭疾起為太常禮儀院判尋陞同知本院  
事

思立字用道太常寺太祝轉西河縣尹拜御史歷  
省臺二十餘年錫金腰帶金綺龍衣累官至正奉  
大夫中書叅政知經筵事

思政字近道虞城縣學教諭又見恩澤

思矩字規道濟寧路學教授

思綿字昌道深澤縣學教諭

思明字處道阿速右衛學教授

思訥字仁道太平縣學教諭

思用字行道沁水縣學教諭威州學正

思賓字興道曲阜縣學教諭濟寧州學正

思則字允道餘姚學正貴溪南安兩縣主簿武平

縣尹

思舉字貢道延平路學正

思言字可道淞江府學教授

思宣字友道容城縣學教諭

思衍字元道磐陽路學教授

思貞字周道膠西縣學教諭

思賁字完道孔顏孟三氏學教授

五十五代

克信字善夫泗水縣學教諭

克常字永夫興濟縣學教諭

克綱字弘夫豐縣學教諭

克達字徵夫聊城宣德兩縣學教諭

克純字德夫國子生

克義字達夫河陽縣學教諭回回砲手衛教授轉

安陸府知事改將仕郎肥城縣主簿

克禮字嚴夫寧海州學正

克允字中夫元氏縣學教諭

克敏字敏夫國子生

克溫字元夫濟寧路學教授將佐郎高密縣主簿

克全字成夫淮安路學教授

克學字巽夫東昌路學正前衛學教授

克紹字勉夫完州學正河間路學教授將佐郎揚

子縣主簿無棣縣尹秘書監著作佐郎大都路學

提舉翰林國史院待制朝列大夫致仕

克脩字允夫長蘆學正樂陵縣主簿



原件短缺

克剛字德夫晉寧路學教授

克廣字毅夫衛輝路學教授邠州判無棣縣尹

克邁字恒夫後衛學教授辛縣主簿

克莊字嚴夫鉅野縣學教諭兗州學正永平路學

教授

克康字惠夫磁陽縣學教諭武衛學教授濮州知

事翰林國史院典籍太常寺太祝

五十六代

希敏字士遜完州學正權奉祀事

希英字士彥濟寧路學教授

希祖字士嚴遵化縣主簿泗水縣知縣又見恩澤

希聖字士賢三氏學教授寧國縣主簿都漕運司

知事亦見恩澤

希先字士昭蒙古侍衛學教授賦原庫知事翰林

國史院典籍承事郎新河縣知縣

希賢字士寧壽張縣學教諭陵州學正

希顏字士學曲阜縣學教諭亦見恩澤

希曾字士宗長清縣尉夏邑縣主簿衛輝路知事

希毅字士弘鄆縣學教諭米脂縣知縣

希說字士巖國子生

希進字士勉國子生

希麟字士祥國子生

五十七代諤字貞伯永樂戊子鄉貢進士左春坊左

中允遷大理寺左評事復遷監察御史陞河南按

察司僉事入祀鄉賢祠

信字忠伯永樂辛卯鄉貢進士封禮科給事中加

大理寺左少卿

又見澤

諗字諫伯景泰癸酉鄉貢進士宿州學訓導

謳字覲伯景泰丙子鄉貢進士壽州學訓導改山

西太原府崞縣訓導成化丙午應聘典陝西文衡

公仲字正文由監生任江西建康縣丞

五十七代彥麒字朝祥景泰丙子京闈鄉貢進士歷任

直隸桐城靈璧二縣知縣

彥祿字朝庸成化戊子鄉貢進士任河南裕州知

州後蒙提學道推其賢能贊之曰賑貸活民雪冤

感義列祀鄉賢

彥禧字朝錫恩賜太學生妻楊氏守節無玷奉

聖旨旌表

彥悌字朝敬太學生

彥健字朝乾由歲貢生任河南陽武縣學訓導

內艱改安平縣儒學訓導

彥敬字朝動益城縣主簿

彥珩字朝璽由歲貢生任陝西莊浪衛學訓導

彥珩字朝潤秦州儒學訓導陞羅山縣教諭

彥生字朝仁國子監生

彥侔字朝德任臨海縣訓導陞保定府高陽縣教

諭再陞潘府路安王教授迄疾不赴高陽已申准

上司入祀名宦祠復行闕曲阜縣登入鄉賢祠

彥組字朝綬任直隸吳江縣丞

彥隆字朝平太學生

陞國子監學正 勅進登仕郎丙午擢 潘府長

史階朝列大夫

諱字慎伯成化丁酉鄉貢進士河間縣知縣

諱字融伯英山縣丞

五十八代公禮字節文宣德乙卯鄉貢進士徐州學

訓導國子監學正詹事府主簿

公鏞字繹文永樂丁酉鄉貢進士

公恂字宗文正統甲子鄉貢進士景泰甲戌進士

拜禮科給事中陞詹事府少詹事改大理寺左少

卿丁父憂服闋復 南京詹事府詹事入祀鄉賢

公華字實文寧津縣知縣陞陝西苑馬寺丞  
公才字義文成化癸卯鄉貢進士江都縣知縣陞  
兵部車駕司主事以瑾賊羅織害百官迴避調大  
明府通判未週歲陞和州知州再陞山西按察司  
僉事

公怡字友文天順己卯鄉貢進士

公森字燦文延津縣丞

公潤字澤文桐鄉縣丞

公玘字楚文南陵縣知縣陞湖州府同知

公珩字德文山陰縣丞

彥雲字朝龍河南閩鄉縣儒學訓導

彥鵬字朝漢歷任崇慶州吏目

彥禮字朝節阜城縣丞

彥確字朝誠襄陽府經歷陞繁峙縣知縣

彥碩字朝大武城中衛經歷

勅進徵仕郎轉南京江淮衛經歷陞榮澤縣丞

彥珩字朝佩太學生

彥儲字朝祐太學生

彥嗣字朝昌太學生

彥肅字朝景太學生



彥述字朝謙任山西澤州判官

六十大承朴字永厚石樓縣知縣

承震字永器弘治戊午鄉貢進士詳見恩澤

承渙字永發國子監生

承詔字永恩太學生

承諭字永聽直隸永平府盧龍縣儒學訓導

承緒字永紹任河南湯陰縣主簿

承復字永靜任陸安衛經歷

承甫字永藝任宜興縣主簿

承漢字永清國子監生

承瑀字永佩任元城縣丞授平鄉縣知縣

承鏐字永從國子監生

承山字永壽國子監生

承亮字永寅任鄭州儒學訓導

承深字永資歲貢生

六十一代弘毅字以遠直隸南皮縣訓導轉滄州訓

導桐廬縣教諭

弘川字以東湯陰縣儒學訓導陞衡水縣教諭

弘禮字以節武進縣丞

弘知字以哲國子監生早卒顏氏孀居節操著聞

弘中字以性歲貢生

弘鐸字以魯太學生任廣信府推官

弘幹字以象太學生

六十二代聞論字知教太學生 旌表孝子

聞教字知寬婺源縣主簿

聞誥字知敬已酉科鄉貢進士

關里誌卷二

程